

## Vanjski i unutrašnji dug RS-a veći od 3 milijarde KM

21/05/2009 21:18 by Administrator

Vanjski i unutrašnji dug Republike Srpske na kraju prošle godine iznosio je tri milijarde i 97 miliona konvertibilnih maraka, saopćila je danas pomoćnica ministra finansija RS-a Dragana Aleksić. Ona je, nakon što je Vlada usvojila Informaciju o dugu RS-a sa stanjem do 31. decembra 2008. godine, precizirala da se od ukupnog iznosa na vanjski dug odnosi milijarda.....

Ona je, nakon što je Vlada usvojila Informaciju o dugu RS-a sa stanjem do 31. decembra 2008. godine, precizirala da se od ukupnog iznosa na vanjski dug odnosi milijarda i 612 miliona KM, a na unutrašnji preostalih milijardu i nešto više od 484 miliona marka.

Aleksić je precizirala da se vanjski dug sastoji od tzv. starog duga bivše Jugoslavije koji je naslijedila BiH nastalog do 2. aprila 1992. godine, koji u ukupnoj strukturi duga iznosi oko 53 posto, a razlika od oko 46 procenata odnosi se na zaduženja koja su nastala poslije 14. decembra 2005. godine.

Kada je u pitanju unutrašnji dug, Aleksić je rekla da se on dijeli na opće obaveze, staru deviznu štednju i ratnu materijalnu i nematerijalnu štetu.

Na opće obaveze se odnosi 176.056.000 KM, staru deviznu štednju 707.071.000, a obaveze za materijalnu i nematerijalnu štetu iznose 600.000.000 KM.

„Navedeni iznos vanjskog duga je stvarni dug, a unutrašnji je potencijalni jer njegovom izmirenju prethodi verifikacija, tako da se radi o gornjim limitima“, rekla je Aleksić.

Entitetska vlada utvrdila je danas i Prijedlog strategije razvoja lokalne samouprave u RS-u za period od 2009. do 2015. godine, kojom je predviđeno i razvijanje međuopćinske saradnje i regionalnog povezivanja između lokalnih zajednica u RS-u i u Federaciji BiH. (FENA)

Izvor vijesti: sarajevo-x.com